

盤洲文集

二十三





朱文公集卷第五十六  
十二首  
賀施察院啓

賀施察院啓

寵膺制綽進陟憲臺最天下之兩轡卓然獨步迎日  
邊之一節久矣不聞夙儒既外僉論相快恭惟某官  
體局方整襟靈壯堅壁韞珠藏蚤埋光於川嶽鴻軒  
鳳舉即薦瑞於朝廷方正効於豸冠忽分麾於魚契  
受釐宣室已深賈傳之思歛惠富州果下陸君之詔  
青檀復得白簡益嚴少頃明目張膽於鷓鴣之間行  
見聚精一神於槐楓之上采自朕巖電屢換星霜旅  
進退以無繇虛寒溫而敢問

賀陳帥生日啓

候明星於南極聿臨見丙之期賦峻嶽之聲詩允協  
生申之什祥開初度頌溢維祺恭惟某官天上謫仙  
人中間氣河目乃公侯之相泥塗無甲子之疑江左  
建旗良吏於是為盛嶠南揭節膚使其猶劣諸遂居  
方伯之尊式賴長城之扞宣室果忠於賈傳吳人難  
挽於鄧侯在厥初生必得其壽彼松柏四時之貫所  
謂經寒而知惟龜鶴千歲之殊斯可同日而語某情  
深賀厦禮萬登門有酒如澠敢介遐年之祉若金作



礪即看晉書之榮

賀呂總領啓

榮拜制綸寵將使指聯華省戶依烏瞻列宿之文足  
食屯營流馬幹百城之運郵音所暨輿誦謂宜共惟  
某官超卓賦材沈深置度殖學得傳家之妙飛談馳  
騫座之名既剖竹於雄藩遂理輪於劇部以經潤節  
通儒稱者二人有志澄清天下與白八俊益隆瓌望  
密簡眷知凡財用之在版圖式付良書之寄給饋餉  
不絕糧道重分軍政之權即既節趨豈容席煖某仰  
高有素快覩未降借蔭卿雲方備負於嶺表貞誠子

墨敢贊喜於門闌

賀黃提刑交割啓

兼程叱馭消吉佩章善類得所依歸遠人無不忻頌  
某官咀華竹素擢幹梗柙魁然見長者之風温其有  
君子之德蚤聳烏臺之望游煥龍節之行五嶺澄清  
初祥刑於東表九重簡注迺易地於西徯斯拜渥恩  
復臨舊部夸鄉上冢散金能洽於故人輿轎入疆持  
斧載膽於膚使即聞嚴召歸遙近班某自讀制綸即  
飛慶牘庀官席蔭喜既僊于眉端指日接辭情庶披  
於心曲



賀廣帥陳侍郎啓

伏審名簡帝心任密方面輕裘合北久傳峴首之碑  
輿轎宅南來酌貪泉之井先聲所偃公望道歸恭惟  
某官參軌前良垂模後進廣庭高步仰三傑之颺芬  
要路橫翔凌九華而激響誨方袍於槐市讎新簡於  
蓬立列星已應放天文四壯暫煩於風力惟臯呂體  
觚園之意故閩浦有區空之隆秉筆赤墀記汪爲千  
古之法蘊外野禮儀成十月之朝絲寸景近侍之  
班作襄漢上流之鎮自休間館未塞輿言方謀帥臨  
黃木之灣乃公開紅蓮之府羊仙薦祉必須執毅  
而來龍戶集當有燕棠之聽上乃則邇人留寔難  
某夙際光儀猥勤題拂焉珂相踵深慚糠粃之揚膠  
柱不調所幸連瑜之匿偶濫移於左契度難埃於高  
牙憑柔尺以培情勻和襟之納祐

賀黃漕鄭郎中啓

伏審光奉帝命使指車茵所則來休黃木之灣  
印笥重開自是壽禮之物積十年之遺愛踴列郡之  
先聲恭惟某官德湛量陂名馳藝圃雅雅黃鍾之在  
簏英英白璧之輝山八俊拔竒特表絃歌之績九重  
錫對遂榮銅竹之行入贊大農進符列宿賦皇華而



諭領振漕事以裕民自奉計而歷它官忽拜恩而臨  
舊部雖木牛流馬之陳迹較然可尋豈雲龍神虎之  
通閨闕而不召人勿私喜公寧又留某夙景高躔未  
親餘論自聆詔綽謂依賴之可期偶易州塵復差池  
而相失尚借光於仁里仍拱眄於治臺竊圖行李之  
間或有班荆之便

移福州謝趙州制

輯粵空餐既大何之幸免掌閩出命願繇力之弗勝  
惕拜慈言喜投樾蔭伏念某賦性常之質闕八寸之  
長隄三領者八年易九核之三迴心雖龜勉初無畫

餅之虛名志欲激印終愧負泉之高躡恐黜幽而負  
殿方詩代以圖歸言料清華游移要屏大懼鈇刀之  
鈍難求布鼓之聲行朝中天望日華而已近故鄉接  
眄知風景之不殊自非塵尾品題之私安得羊角搏  
扶之便此蓋某官直方厲操淳白鳴徽有更生博極  
之書得東平為善之樂望密泠玉節峻輔金屢司發  
斲之權復佩平反之寄用息及下為長者而折枝見  
恙在前如農夫之去草時謂外臺之表人歡夏屋之  
依每曲借於揄揚致疊叨於推擇某自尊山斗浸換  
星霜聽言未愜於鄙悰投介已同於夙契遂殫五技



敢忘前事之師少借六條庶追後期之責

謝鄧建州啓

輯粵空餐偶大何之獲免掌閫出命願駭力之弗勝  
惕拜詔綸幸分鄰燭伏惟某官宅心端栗接物惠和  
才備四科挹前良而參軌風舒六藝發妙語於抽毫  
嘗鉤校乎三尺之文通翻翔乎半刺之任鑄龍班節  
原隰遠有光華分虎作符朝廷深知之行籍藉綉襦  
之詠駸駸筆橐之除惟平時曲借於衮褒致懦口疊  
更於器便某自親風度已託歲寒社蔭焉依嘗略六  
條之問棠陰密漸復漸九里之餘

回知州賀生日狀

伏承軫記生初騁如意表月宿南斗三片善以著稱  
體號西崑有英辭之轍古高情甚渥朽質指慚伏惟  
某官論議粹醇襟靈超詣材推時矜暫分白蓋之權  
清畏人知共託素絲之節夙締芝蘭之好以光蒲柳  
之衰貽之嘉音介以難老一字之踰華衣拭目難任  
雙金之報綠琴醜顏何已

謝知州惠生日詩狀

誦蓼莪之篇老將至而增感介黃髮之壽禮其厚以  
難任深戢謙搗采增悚汗此蓋其官德惟貴齒仁以



根心決雀鼠之訟於棠陰案無留蹟摘錦績之章於  
毫穎才有殘膏斯因初度之辰曲借長年之頌確然  
殊憊下辨伊於長川賁以好聲追馬人之前藻剖珠  
私喜報政知慚

回達大庾狀

講聞風問積有歲時獨覲百之差池每馳情而悄結  
某官學充素葢世迹清埃遠涉舟於梅山以鳴弦於  
花縣服勞五斗已善集心之能振響九臯即拜造駕  
之寵曲承華詒徒激鄙涼願藏篋之副願慚濡毫之  
草草

回州學正歸狀

竊審較評枌社立矩芹言人皆曰然公豈自歉解元  
沉潛蠹簡埋鏹螢牕不逢流水之知尚屈青雲之便  
朋友共惟於講習深戒蟻蟻老成端有於典刑遂儀  
逢掖某曲迂玉趾見賁璠詞第銘四益之嘆有覲七  
襄之報

回何直閣狀

分麾百粵已越成期徒部七閩誤膺詔札揆謝材而  
惕若倚餘潤以欣然某官冰壑照人驪淵瑞世談必  
傾於一座書能讀於五車下筆掀雷淡墨題乎鼎級



吹藜奪月雌黃匣平蠹篇倚歟雋聲籍甚榮路已青  
冥之垂上却未絃以退飛旣聯職於道家蓬萊迺俛  
眉爲諸侯賓客鬱沈亦以緼蓄未據惟由借於齒牙  
致屢叨於方面合盍簪於曩日數判以積年何幸  
襄蹤復尋舊好驅車倍道庶瞻西祀之登掃榻聽言  
敢後正堂之避

回參議賀郎中狀

分毫百粵已越成期從部七閩誤厝禮揆劇繁而  
縈抱倚仗功以信眉某官學綜九丘詞傾三峽丹青  
騁步開天祿之陳編列宿垂芒賜簡歷之佳墨遂抽  
簪而飛遯旋側席以勞其力追然中幕之游西昔者  
繡衣之治增重外閩意煩遠謀碩是嚴蹤遂祈竊食  
介季父同年之好頃接英暉記地陽一夕之談屢更  
緹律復有親仁之便可知此書之方

代饒州守迎交代蘇尚書啓

伏審出綸法坐剖竹名邦千里心馳共仰甘泉之老  
一禰顏汗翼新蜀郡之謠公望所歸先聲是偃恭惟  
某官稟靈江漢發彩隨和讀八索之遺書備四時之  
和氣挺挺有祖風烈濟美儒先堂堂爲國光輝蜚英  
庭綴目粉闈之票組入芸閣以提綱成春朝蒞野之



儀批夕拜瑣門之救國有六職峻紫橐之貳卿汝作  
秩宗續青氈之舊物夢刀屢美買犢紛然難休老氏  
之祠來治番君之國講德而論四子昔已作詩歛惠  
以施一州今當有詔恐屆中道遂儀上京某夙企清  
躔未親嘉誨鳴珂相踵自慚糠粃之揚膠柱不調或  
幸瑾瑜之匿甕霜急節高蓋出關冀祠鼎之啻宦副  
簪綬之瞻矚

賀知饒州李左司啓

易地出綸顯拜魚符之寵過家今組用嚴熊軾之程  
輿誦道歸先聲是偃恭惟某官星躔隕祉月脇鑄辭  
卓尔昂霄壁千仞而獨立淵乎韜世波萬頃以有容  
自高鷓鴣之行不藉蚍蜉之援臺官張膽又震懾於  
朝端宰士盡心竭彌綸於省闈惟今剖竹所治蓋昔  
灌瓜之隣斯民勩五緯之謠行日後雙旌之至恐不  
席煖遂將節趨某頃綴蓬瀛嘗披雲霧維桑有禮知  
厦屋之焉依置旌可言賓階之與進

代程湖州謝執政啓

外史養痾方賦歸之二月輔藩代置復流渙於九天  
班祿云初衰遲自懼伏念某學不足以要終原本才  
不足以治劇劇繁鳴玉要津點北門之清近懷金拱



著而西府之贊襄又休香火之庭白適山林之性制  
綸橫及留鑰遣行力以疾辭曲蒙息貸尋邯鄲之故  
步偶未失之求勾漏之祕篇他非望者豈期推轂仍  
使建旗性效若雲之區今作股肱之郡起家甚寵卧  
治則難茲蓋伏遇某官德簡細旃推隆棟方地關  
天開之且籍其重張念塗歌里詠之氓遊其共理當  
都俞之間假迺假借於拙疎雖鞭策其不能恐謹何  
之弗免終期美蔭不累化鈞

代賀方侯相啓

渙號路朝外柔揆席家至戶睚幸聖政之一新日晏

天清見真賢之復用流傳所暨茲經率司恭惟某官  
道溫經緯學該貫變挺松柏後凋之操抱首龜先見  
之明徧陟禁塗進參國東閣兩社而爲輔備竭贊襄  
有一言以興邦益崇倚注忽遭讒口遠落蠻溪孔子  
居中不勝麤裘之誦周公在外競歌魚豢之詩大君  
躬攬於萬機溫詔首駟於一節對揚使殿深契淵衷  
夢卜協求果作巨川之楫棟梁有託大開衆正之門  
方懲滯而吹壑必解弦而調瑟宗祊迫慶華喬具依  
某頃綴事樞密叨蔭樾念階符之乂萬際恭道之光  
亨代賈輔藩已竊真公之喜馳神梓館莫瞻漢相之



尊

代賀湯樞密啓

疏榮綸綍冠位樞機朝登真賢人有嘉頌恭惟某官  
 鳳翔千仞樂奏九韶健筆振奇飄飄有凌雲之氣清  
 埃擢穎赫赫乎逐日以新自首中於異科即立登於  
 榮路身為國史嘗書勅以珥彤命作秩宗遂荷橐而  
 持紫入明光而起草對宣室之間神浸積簡知進居  
 宥密淵謀入告非堯舜之道不陳遠業所期豈管晏  
 之功可許知政判東西之府而幸臣充左右之官  
 惟是元樞久垂高位王所魁三象幸來第一之流  
 惟慙既尊何備過衝之折摺紳相語益觀上治之興  
 某舊矣仰高颺然覩快承流輔郡已叨推輓之私真  
 牘崇階政竊併幪之託

代張建康賀程參政啓

顯揚書贊參秉化鈞惟舊德之立朝有頌聲之載路  
 恭惟某官學該治之識判幾微元圭彰間出之珍喬  
 栢聳後凋之操凌雲霄而徹響踐台斗以結知文米  
 陸離得大誥三盤之體樞機周密如神當五鳳之時  
 不競急流來休綠野方萬機之躬攬且一節之首馳  
 昇陪都管籥之司易輔郡股肱之寄上既久不見賈



欲納嘉謨使無何果召叅遂司大政螺洲有識鷓鴣  
可期某猥備藩宣獲依塊北馳神西序旅進退以無  
繇投分東阡大謹何之或免

代謝魏越州啓

種東陵之瓜以甘退房掌北門之管忽拜誤恩懇避  
莫能疾顛具懼伏念某性剛寡與學無它長綴侍橐  
於薦紳毫毛何補奉真祠之香火齒髮浸衰政斂迹  
以養疴豈牧人之與念遂叨晉權宋積震驚虎踞龍  
蟠茲作京於此狎鷄鳴狗吠仍接壤於鄉關僥幸如  
斯吹噓有自此蓋伏遇某官道包貫變識洞眇餘登  
要路以首鞭追前英而參軌一張之際有契  
符相合之知維石具瞻政切公樞之望急流勇退忽  
傳使竹之一都一俞之初借三熏三沐之助致  
茲推擇及此拙疎承慮居併之危有辜推轂之意詎  
棠收阻放一退以無因一樾焉依大謹何之或免

代馮湯中丞啓

命播芝函一亭栢寺郵封四達歡誦一詞恭一某官  
超卓賦材一方厲操自得青雲之路即膺丹朱之知  
方解絃躬攬一禹機故出綽首馳於一節一不見賈  
非復鬼神之談無以易堯即居御史之府鷹隼厲橫



秋之勢仲猷空當路之群凡此茹建有同草薙積三  
千章之奏廣振二十載之臺綱威動垂紳寵躋專席  
近世斯焉獨步益峻風霜泰階所謂六符共期霖雨  
某庇身魚鑰引脰龍門敢修染襲之儀少贊典籤之  
喜蕭辰始蕭禁密多休惟寶護於夙興用迎承於晝  
接

盤洲文集卷第五十一





蘇東坡集卷第五十七



啓十七首

上宰相啓

三千年而河清久矣人生之難俟七八月之苗槁幸  
哉天澤之可期敢輸懇懇之私庶動巖巖之聽伏念  
其所稟極陋其愚不移學雖苦於丘墳譽不揚於鄰  
曲操數寸之管借鴈序以齊飛受半通之銅點麟臺  
而群處陟岵幸迎於禿節入朝遠觸於危機不勝私  
情遂求外服抗塵走俗已日然而去官洗垢索瘢致  
風聞之及嗣抵于深憲儼彼獲僚玳鉞墮聲雖生以

蘇東坡集卷第五十七

一

良云

何面目困窮纏已脫死塵如毛鬣再會赦而始復舊  
階一終星而未刊黜典迫於立壁無以杜門登東臯  
而臨清流自憐骯髒下喬木而入幽谷誰不邪榆未  
消行李之良忽負茹荼之痛偶逃溝壑得累鑪錘恭  
惟相公執躅孔顏錙銖燕許當聖主解弦而更化以  
真儒調鼎而贊元道大域中轉洪鈞之一氣計安天  
下猶素山而四維東閩廣翹楚之方西曹無滿謫之  
問某運將傾否筮亦遇干雞犬旦而一鳴驥志振翼  
鵲繞枝而三匝所願安巢僅回肉骨之恩可但添身  
之報





賀新饒州唐舍人啓

名簡前旒任隆左契聞使君到犬喧來暮之謡與老人期共快爭先之覩欲伸賀履敢問典籤恭惟某官聲叶舜儀寶參郵渥淵雲驚代挺玉壘之靈暉駟瑗名家禔金巖之崧溫一時絃改多士節趨結當守之深知拜司光之異擢廣內雅雅世南則行祕書柱下昂昂董狐乃古良史正刷橫翔之羽忽回勇退之舟不謂吾邦迺煩鉅德凝清香而森畫戟安能久居此乎闕紫闥而攀台階斯拱而竣之耳其未披雲霧常歎參辰叅千畝菽千章遂託居山之庇水一孟薤一

本願容置屏之談

荆門謝宰相啓

觀六符於穹漢心切呼天乘一障於重湖身難擇地仰銜厚施敢寓微衷伏念某生也數竒缺然智寡頃疾顛於僻郡即却掃於荒闈賤子具陳誰恤弓傷之阮室人交適略無裝橐之儲謀半菽以偷生泣編麻而頻死豐澤未逢於時雨高躔已匝於歲星公道初開杖屨非辜之士私憂遽集迺遭不孝之帑偶轉壑之賒期遇濟川之在上抽毫進牘妄干耳否之榮揆手覆羹危撥瀆尊之罪傷哉負也止或尼之敢期播



物之私亦預承流之數震雷霆而破蟄奮此幽蟠注  
渤澥以濯痕略其宿負大恩特達小器滿盈茲蓋伏  
遇相公任重推溝材收躍治欲入荒莫不擊壤無一  
介而使抱關吐握既躬其勞爬羅有味其語前鴻後  
鴈或假借於雲霄枯木朽株必薰蒸於芝菌特捐小  
壘漸進畸人某敢不履影懲愆刻肌報德挾泰山以  
超北海揆路非難呼中道而激西江恩波可與

與交代趙知軍啓

與郡守為符忽焉分左躡君子之躡有以指南聊先  
汗竹之私用結斷金之契恭惟某官琮璜等潤咸獲

暖音

參和呈翔仞之靈輝抱昂霄之美幹多文為富足更  
生博極之書大雅不群得東平最樂之善儻佯膺仕  
烜赫華名清標共仰於素絲錯節始彰於利器方英  
主攬權綱之柄欲諸姬壯磐石之宗凡朱軒皂蓋之  
除多玉葉金枝之雋一麾敷惠最楚甸之列城五綉  
作歌挹西京之循吏聞今日耕桑之野皆向時荆棘  
之場有疑寢之清未無穿墉之健訟已成樂土為利  
後人諸公興摧轍之心闔郡阻留鞭之計即前帝席  
遂陟從班某以京高標未親餘論水擊三千里而上  
將幸瞻前刃遊十九年而新願言告舊頌翹之切敷



深云窮

為大兒江東漕屬上使者啓

家徒四壁甫從官海之游我有二天遂帶卿雲之蔭  
方憂尸素敢後殺青伏念其馬走品微鼠肝安薄學  
六甲五方之事佩鞶無聞讀九丘八索之書為裘滯  
墜蚤因延賞雜免請農正鼓篋以求師敢彈冠而入  
仕豐生私室禍及大門遺忠見軫於朝廷異數俾襄  
其窳窳猥令就祿非曰量能退惟一物之不知安得  
三年而善後乘財用之出入尺寸無長計班資之崇  
庫斗筭奚算仰祈覆露尚切赳赳恭惟其官學貫籤

卷之十一

四

五五

勝識倫著蔡自占月中之桂久騰日下之芬方聖君  
躬攬於萬機故鉅德首迎於一節奉常絕禮進前席  
之嘉猷劇郡埋輪賴外臺之華使擢象已躋於中袂  
疏屏深結於上知鏗錡八俊之聲震懼六條之察即  
歸法從難借餘光某將侍履約獲承鞭策小兒未知  
為吏盡託恩波若曹無益於官難逃譴域

荆門到任謝宰相啓

負切膏肓歎編蓬之左計恩深坎北點剖竹之下陳  
逾月汎舟蠲屐視印伏念某千慮無得一班弗窺少  
年妄意於臨民或能豈弟半世銜冤而奪祿不復激



印敢畫指以書空祇甘心於殍野帝攬權而真宰用  
士失職者恭道來補劓息黥育豐肌於朽骨捷鱗掉  
尾轉窮轍之清波略其三尺之拘畀以一麾之末惟  
當陽君之故國在雲夢澤之西偏二百里男二百里  
侯本密運於近甸六十曰耆五十曰艾皆熟記於舊  
聞雖劓瘻未復於承平然風俗弗移於醇厚賦輿既  
簡獄訟不生儻鳴雞吠狗無貪吏之須則去馬來牛  
有樂郊之漸退惟公膺北負使令茲蓋伏遇某官挈  
國大儒夢品良弼叶璿璣玉衡之効光金匱石室之  
傳以堯舜媿恥其心斯焉致主彼羣壘密勿之輔可  
以齊名方校短以量長俾承流而宣化興憐困躋初  
試凋殘豈止捐奉楸以活其妻帑亦將觀政事以品  
其人物某敢不自鞭蹇步庶効秋豪敢作僞聲以八  
萬流民而受賞尚期他日有五六老叟之送行不致  
瘵官是為報德

謝吏部賀尚書啓

十六年之去國久蟄蝸廬三千里而溯江始開蛇筭  
深憂谷素敢後殺青伏念某生也多難少而自苦操  
數寸之管偕同座以聯榮受半通之銅群大雅而雙  
入陟岵甫以於禿節立朝遽觸於危機既補外以終



更又投荒之及難誰造哆箕之錦遂逢偃月之刀宛  
聲不徹於九閭官簿退飛於一紀幸改絃之盛且得  
夸組於小邦有社有民性當陽君之故也西疆迺理  
自雲夢澤而左之儻鳴雛六向無貪吏之頃則去馬  
來牛有樂郊之漸自惟么膺恐負使令茲蓋伏遇其  
官韜軼英躔鏗鉤禁瑣就日妙待言之選迴天高拱  
救之聲懷文以裁帝墳書成金匱分職而掌邦治班  
峻玉除溫推轂之仁心憐傷弓之弱羽曲垂題拂致  
此叨逾某敢不思効秋豪自鞭寒步台符在望旅進  
退以未能雲蔭無私大譴何之或免

上荆南劉兩府啓

十六年之去國人鬪鷓行三千里而過江遠叨魚契  
焉依夏屋敢後書郵伏念某生也多艱少而自苦頃  
中含沙之射遂傷偃月之刀宛聲不徹於九閭官簿  
退飛於一紀幸改絃之盛且得夸組於小邦窮猿投  
林見微柯而亦喜枯魚涸轍得涓滴以更生茲蓋伏  
遇某官勳肇邦基望崇人傑探金匱六弢之祕分狼  
弧參伐之威貫日月以輸忠挫犬羊而奪氣絳襦安  
堵洽惠露於群黎搏俎折衝作長城於重鎮某自憐  
翫麟獲託帡幪異世荆州復有依劉之幸列侯萬戶



何比識韓之榮

謝王總領啓

船引蓬萊誰恤囚山之久符分銅竹自嗟乘障之微  
尸素云初殺青敢後伏念某千慮無得一班莫窺自  
射影於含沙祗甘心於殍野會清明之上治點宣布  
之下陳有社有民蓋當陽君之故也迺疆迺理自雲  
夢澤而左之雖創痍未復於承平然風俗弗移於醇  
厚退惟么齷恐負使令茲蓋伏遇某官與學盈科清  
規出類芒寒列宿言禮樂遠有光華燄到百城問錢  
穀幾何出入外戶連營之食上寬法坐之憂即以節  
趨難乎席煖顧小吏漫加於鞭策恐外臺不款於幘  
幘其敢不詹仰光儀奉行約束楚雖三戶尚求瘼之  
未能我有二天茲包荒之可恃

謝宰相改正過名啓

十日寒之拙官可題於良史一星終矣刑獲改於  
秋官佩造化之更生顧么微而何報伏念某昨從外  
補已得代還偶親庭嬰離於鑠金故郡將乘機而下  
石指爲奇貨肆厥巧言釀白簡以報私環赤城而滌  
垢法家舞智卻回牘背之書獄吏趨時別上需頭之  
奏議辟遂淪於胥孽免官自嘆於秃翁跼跼墮水之



爲奮飛無計鬪蠱喪家之狗濱死誰憐已甘漂溺於  
風波何意清明之天日望大鈞而辯數致密網之平  
反方商鞅作弃灰之刑難平免者如曾參有投杼之  
事久則昭然茲蓋伏遇某官德類離倫仁心濟物侏  
域中之有大納天下於無冤若伊尹之思匹夫悉失  
推溝之澤謂蘇君當宥十世特施及嗣之恩出嚴棘  
之赭衣脫枯桐於黔突某敢不魂驚曲木跡墜覆車  
復鴈門之跼益矜細行問繫桑之病長記窮途

賀王成都啓

夢益三刀權尊九牧結裝去國不給蜀道之難傳命

卷之二

塞塗已覺雪山之重貢誠小牘贊身高牙恭惟某官  
象削諧聲鄧林擢榦望傾後學仰北斗之垂芒名滿  
廣庭接魁星而齊色會光亨於泰道能寤合於淵衷  
紬金匱石室之書四提直筆鳴紅藥蒼苔之佩久演  
明綸追還渾噩之風密吐忠嘉之論適坤維之謀帥  
輟鼎貴以籌邊吾徒得君卧治之爲淮陽而用黯有  
欲爲王留行者願孟子之在齊蓋摠戎於歲月之間  
即穆繹於廟堂之上某退惟樗櫟浪託粉榆流澤九  
京旣踰袞得見褒之字冒恩一障繇推轂而有味其  
言顧謝悃之未緘已除音之先播卓然方伯財取道



於隣疆縛以微官阻望塵於謁舍甫新歲律正釀春  
寒冀垂意於持生副疑旒之慮遠

荅張縣尉狀

鼓琴有山水意未易知音擲地作金石聲自應擊節  
其官沉酣七略鑿厲三餘異曲同工已有飄飄之氣  
博聞強識必成灼灼之名徒煩問稼必老農盍請誨  
規於大匠欣然嘗鼎媿彼報瓊

回教授狀

訪當陽君之故既玷左符定管城子之交西聞高誼  
驥眉則遠敷衽可期其官學海窮源文河涌思青檀

世卷之二十一

四二

對客忝然一坐之寒絳帳稱師豈彼三隅之誨以茲  
廣譽必上清班顧以薄材遂攀逸駕庶幾良藥之誨  
可追素餐之譏

謝張建康舉十五年前陞陟啓

治病七年那得三齡之艾成功一篲克全九仞之山  
媿鄒子之夜光點汝南之月旦伏念某聲銷鄰曲識  
闇丘墳頃佐郡以終更值含沙之肆毒獄皆文致旣  
剗跡於周行命與仇謀即灰心於榮進顧銓曹之不  
齒東伐閱以相忘久矣棲嘉期於夢野會更張於治  
具有復起之痿人焚厥丹書假之皂蓋尋鈇刀而再



割積琬曆以一終計班資之崇庫未離墨綬為題目  
而甄拔烏有舊章蒙泰階以而思之幸異時勵有存  
者遂飛一鷄之表用迴六鷗之程茲蓋伏遇某官天  
上景星人中霖雨帝以召公而分陝世期汲黯之在  
朝十國為連借虎踞龍盤之重八元斯九積蠅蝻蝻  
濩之思以留鑰而折衝蓋儒冠之司命興隣社櫟獲  
託鄉粉推轂有味其言猥參寶積納溝不被之澤倚  
竦洪鈞某名玷闕貞時增倍價取人失之子羽益務  
省躬草奏不如陳湯敢羞知已

謝魏潭州啓

唐書 三十一

居狄山之一障代匱隄冬陳方朔之六符依光垂象  
禮存事大罪恐瀆尊伏念某馬走品卑雞戶用小引  
舡而去勃海寢遠蓬僊登陸則有天台亦終瓜戍孰  
料含沙之毒巧符偃月之謀銜冤莫叩於九閻奪爵  
遂懸於一紀循陔荒服幾不免於惡氛負土故山抱  
亡厓之沉痛會蠲除於密網得撫字於疲氓考前召  
後杜於往圖未能敷惠眄曲沮清漳之遺趾何以銷  
憂欲遣信郵實資庇蔭恭惟某官材推隆棟名簡細  
旃初躬攬於萬機即首馳於一節談曰猶望高子賴  
以興邦道蓋自比孟軻去其塞路烜赫解絃之治超



踰補袞之詩滄蠹靡留紀綱丕變我心匪石必公道  
之大行衆口鑠金以价藩而靜鎮薰重湖之叶氣鬱  
四海之甘霖某辭响抽毫神馳茸藁仰併蒙於夏屋  
竊動歡顏期坱圠之大鈞儻收棄物

與交代梁判院啓

聞買臣之引綬有客傳呼先越石而着鞭與公浮掃  
重慚斂拙敢廢裁絨恭惟某官結綠輝山長離覽仞  
家傳赤舄鄙簪笏於懷繡志凌青雲圖翰墨之動績  
破古書之萬卷諧雅奏於九聲繫登壑之超群即監  
州而騰譽上念四蛇之輔嘗問世卿人稱雌霓之詞

可司帝制曷為頽首亦欲乘邊挾清漳而倚曲沮獨  
有仲宣之賦祕明璣而潛美玉來續贊皇之詩某惠  
不蘇枯罪難逃責切喜契符之合迺逢筆硯之交必  
懷瑾以匿瑕不索瘳而洗垢情同兄弟非彼一時之  
面朋好永子孫以吾兩人為鼻祖

回富提刑啓

天陞出綸坤維揭節方君行仁政務臻禁罔之寬欲  
下無冤民尤遴憲臺之選郵音所播僉誦曰然恭惟  
某官降祉雲逵騁辭月脇惟慶曆之憂高有列傳言  
視西漢之韋平不同日道宜有傳之學益增世濟



之光自涉要津共騰廣譽天下號曰八俊比迹東都  
刺史問以六條飛聲南服果明簡注進掌平反諒無  
席煥之淹即有園空之効遂迎召渥歸立從班某夙  
仰高標未親餘論曲城僻壤幸逢四牡之馳除館清  
泉遂借二星之重

盤洲文集卷第五 丁七



盤洲文集卷第五

三

丁七







